

# ĈIUTAGE EN LERNEJ'

Mazurko

Teksto: Anja Karkiainen

Muziko: Vesa Pölkki

The musical score is written in 3/4 time and consists of three systems. Each system has a vocal line and a piano accompaniment line. The lyrics are written below the vocal line. The first system has a C major chord, the second system has F major, A7, D7, and G major chords, and the third system has C major, D major, G7, and C major chords. The lyrics are: 'Mi lern - ej - on ja ŝat - eg - as, ĉar min sci - vol - em - o re - gas. Mi kal - ku - las, skri - bas, le - gas. Paŭ - zoj ne al - lo - gas plej. Ĉi - u - ta - ge i - on no - van o - ni ler - nas en ler - nej'.

© 2001 Vesa Pölkki & Anja Karkiainen

La lernejon mi ŝategas,  
ĉar min scivolemo regas.  
Mi kalkulas, skribas, legas.  
Paŭzoj ne allogas plej.  
Ĉiutage ion novan  
oni lernas en lernejoj

Kvankam lacas mia brako  
mi pri ĉiu instrufako  
libron portas en la sako  
- legolibro pezas plej.  
Ĉiutage ion novan  
oni lernas en lernejoj

Samklasanoj tie multas,  
Kelkaj stultaj nur tumultas.  
Instruadon mi aŭskultas,  
ĝi min interesas plej.  
Ĉiutage ion novan  
oni lernas en lernejoj

Teatraĵ', literaturo,  
kanto el la partituro,  
desegnaĵo sur la muro  
- arto min ĝuigas plej.  
Ĉiutage ion novan  
oni lernas en lernejoj

Plezuriga estas sporto,  
gimnastike kreskas forto,  
sed ludado sur la korto  
tamen plaĉas al mi plej.  
Ĉiutage ion novan  
oni lernas en lernejoj

Instruiston mi respektas  
vere - mi ne nur afektas!  
Misojn milde li korektas,  
tial mi lin amas plej.  
Ĉiutage ion novan  
oni lernas en lernejoj

Li postulas, ke entute  
ĉiuj agu bonkondute.  
Ni ne batu, absolute,  
eĉ se ni koleras plej!  
Ĉiutage ion novan  
oni lernas en lernejoj

Per informo kaj per sperto  
li instruas nin kun lerto,  
instigante kun aserto:  
Mem pripensi nepras plej.  
Ĉiutage ion novan  
oni lernas en lernejoj

Sed ne ĉie la infanoj  
povas iĝi lernejanoj  
pro malriĉo aŭ malsanoj.  
Tion mi bedaŭras plej,  
ke neniam ili povas  
ion lerni en lernejoj